



外國竹枝詞




Inches

Centimetres


TIFFEN Color Control Patches

© The Tiffen Company, 2007



自序

歷代史記列傳之末例及四裔讀史至此惟恐臥矣
然要荒朝貢之盛未有過於有明者自太祖開國聲
教漸被成祖繼之北征沙漠南定交趾復遣鄭和楊
敕三下西浮於是屬國麇至畢獻方物今考會典一
統志所載暨西域記象胥錄星槎瀛涯勝覽諸書風
土瑰怪震眩耳目此固穆王轍跡之所未到漢家都
護之所不能通也余與修明史既纂外國傳十卷以
其餘暇復譜為竹枝詞百首附土謠十首使守象觀



譚爛然與十五國同風不已異乎莊子曰六合之外
聖人存而不論余之為此也或謂賦更愚於六合則
余啞然退矣

康熙辛酉臘月朔日

外國竹枝詞一百十首

長洲尤侗



朝鮮

高句驪降下句驪未若朝鮮古號宜千里王京陳百
戲漢城猶見漢官儀

古朝鮮并入高句驪隋征之不服貶為下句驪洪
武中八貢奉詔更號朝鮮以漢城為王京每詔使
至雜陳百戲

長衫廣袖折風巾碎紙狼毫漢字真自序世家傳國

遠尚書篇內九疇人

白唾紙狼尾筆書與中國同文

楊花渡口杏花紅八道歌謠東國風最憶飛瓊女道

士上梁曾到廣寒宮

國有八道楊花渡在漢江濱圍秀許具樊後為女

道士嘗作廣寒宮玉樓上梁文

小兒八歲號黃昌舞劍能誅百濟王更唱嘉俳會蘇

曲朝來盤績已盈筐

新羅國黃昌郎八歲為王往百濟舞劍於市王召

入宮令舞因刺殺之七月望日王使王女率六部

女子績於廣庭八月望日乃考其工負者設酒相

與歌舞謂之嘉俳一女起舞為會蘇之歌後朝鮮

破新羅擬為黃昌郎會蘇二曲

日本

日出天皇號至尊五畿七道附庸臣空傳歷代吾妻

鏡大閣終歸木下人

隋時致書自稱日出處天子國中稱天皇以尊為

號有五畿七道三島附庸國百餘吾妻鏡紀木國

君臣事蹟吾妻島名也木下人爲平秀吉萬曆中
篡奪倭國自號大閣王

吹螺揮扇舞刀都聖鬢羅垂知有無乞得中原音韻
去也來弄筆咏西湖

王子七歲講聖鬢經天雨曼陀羅華使臣答里麻
有咏西湖詩云一株楊柳一枝花原是唐朝賣酒
家惟有吾邦風土異春深無處不桑麻頗寓嘲笑
之意

琉球

歡會門中蘆扇開美姬含米上行盃金簪長史雍容
甚鼓篋新從太學來

門名歡會以金葫蘆團扇爲儀衛美姬含米造酒
名曰米奇官皆金簪子弟八國子監讀書歸爲長
史

布帽毛衣曳珮璫雙雙織手繡鴛鴦女君曉入奉神
殿舞也婆娑歌滿堂

婦人以羅紋白布爲帽雜毛爲衣螺爲飾下垂小
具其聲如珮以墨黥手爲花鳥之形有奉神殿神

文匯初校註
以婦人爲尸名女君三四百人各戴草圈攜樹枝
乘騎入王宮遊戲一唱百和音甚哀慘

安南

二月常開仙艾花喜從勾漏覓丹砂伏波銅柱今何
在祇見飛鳶墮水涯

艾山有仙艾仲春開化雨後落水面羣魚吞之多
化爲龍勾漏山葛洪採丹砂處

漢使虛乘浪泊槎珠厓棄後隔中華遺民林抱亡陳
恨纔換黎家又莫家

浪泊國中西湖卽馬援仰視飛鳶跼跼墮水處黎
季犁篡陳日焜永樂討之郡縣其地宣德復封黎
利嘉靖時爲莫登庸所奪

緬甸

金沙江上建牙軍貝葉書裝金葉文釀取樹頭百藥
酒醉騎香象望南雲

地近雲南倚金沙江爲險元置邦牙軍樹頭酒樹
似櫻高五丈結實大如掌以麴納甕中懸樹下剖
實取汁成酒其葉卽貝葉寫緬書表文用金葉

占城

金花冠上戴三仙
玳瑁裝鞵束寶銀
任爾通身都是膽
那堪黑夜遇尸蠻

王採生人膽入酒
與家人同飲曰通身是膽也尸頭蠻乃婦人夜深飛頭而去食小兒糞尖飛回復合其體若封其項或移體別處則死矣

十更晝夜鼓冬冬
午起子眠風俗通三尺竹竿輪灌酒滿城歌舞月明中

其國晝夜分十更用鼓打記非午不起非子不睡

見月則飲酒歌舞為樂
十人五人圍坐以竹簞插入糟甕中輪次吸之

真臘

富貴無如真臘強
金盤銀椀貯桑香
殿頭百塔排儀衛
交拜君王七寶牀

王三日視朝坐七寶牀
列玉猴孔雀犀象各百塔
洲以桑香佛舍為饌盛以金銀盤
蓋諺云富貴真臘也

交易經營盡文商
針梳爭買助紅粧
家家夜夜燃燈

火十歲人呼新嫁娘

貿易皆用婦人中國針梳磁漆等物最貴婚娶燃燈不息女十歲卽嫁

瓜哇

種傳罔象變獼猴生小啣刀不刺頭並駕塔車坐妻小竹鎗會上鬪風流

舊傳鬼母與罔象合生子百餘嘗食人忽一日雷震石裂中坐一人衆異之遂爲國主領兵驅滅一村男女兇惡有異僧取水噴之化爲獼猴獨一老

嫗不化隨老猴爲侶稱猴王猴夫人生一子一歲則置刀一把名不刺頭每十月爲春首有竹鎗會夫婦並坐塔車至會所各執竹鎗妻執三尺木棍立其中以鼓爲號二男交鋒三合二妻以棍隔之曰那刺那刺卽退散若殺死其王令勝者與死者家金錢一個死者之妻卽隨勝者男子而去

新村市舶聖泉清喜聽番歌步月行更愛彩會能倒掛聞香時向夜深鳴

新村番名革兒中國人所居海灘有小池名聖水

元將高興史弼征閩婆之水拜天禱祝捶鎔地上
泉隨涌出每月圓夜番婦二十餘人連臂踏歌至
大家門首贈以鈔帛名步月行有五色鳥日間焚
香其旁取貯翼間夜則張羽倒掛散之

暹羅

白布纏頭青壓腰海賊買賣解香燒女兒斷事男兒
聽偏愛華人夜夜嬌

行錢用叭燒羅斜香極清遠大小事悉決於婦其
夫聽命而已遇中國男子愛之必置軍歡飲留宿

其夫恬不爲怪曰吾妻 中國人喜愛也

赤眉遺種染腥風封錁嵌 僧點紅生日裹身皆聖
鐵死時烏葬海濤中

男子年二十莖嵌錫珠數顆用藥封錁富者嵌砂
子一粒行動颯颯有聲婚姻請僧討童女喜紅點
男額名曰利市習水戰大將用聖鐵裹身刀矢不
能入聖鐵者人腦骨也人死將尸放海邊有各色
鳥大如鵝飛下食之餘骨棄海中謂之鳥葬

三佛齋

王號詹卑國姓蒲金蓮花裏撒真珠泰山壇上會陪
位神鹿牽來獻瑞符

宋祥符中貢使赴泰山陪祀元豐八貢以金蓮花
貯真珠撒殿神鹿高三尺前黑後白毛知蹄三踏
寄居木筏自浮沉柳葉遮簷滿淳林填却洪波皆沃
上一年種穀便生金

國有舊港曰淳林水多地少民置木筏蓋屋而居
覆以柳葉田土甚肥諺云一年種穀三年生金

百花

三佛齋邊萬佛家西來大士等河沙紅猴白鹿俱歡
喜日日春風開百花

屬三佛齊俗尚佛教天氣恒燠如春無霜雪嘉樹
奇卉四時蔥鬱故名

文郎馬神

輦前繡女捧檳榔相諱私貽茉莉香縱致髮盡華人
髮華水難添雲髻長

王出乘象或泛舟以繡女從典衣持劍捧檳榔盤
華人與番女通販削其髮以女妻之不聽歸也女

髮苦短見華人髮長羨之或給曰我用華水沐耳
女競市舟中水華人故斬以資嘲笑間攜香蕉菜
莉相贈

滿刺加

溪上環橋橋上亭蕉心簾細打麻馨奉天門外曾陪
讌攜取龍文勒御銘

王居有溪溪上造橋橋亭二十餘間雨肆聚焉有
水草織蕉心簾又有打麻兒香永樂中來朝上御
奉天門賜宴封其國西山爲鎮國御製碑銘命尚

書卷義以金龍文箋書焉

龍牙犀角

龍牙門

龍涎嶼

龍牙犀角可耕田相對龍門恰過船更有龍涎香萬
里蘇門市上換金錢

龍牙犀角多良田龍牙門山門相對如龍角狀中
道過船龍涎嶼每至春間羣龍交戲而遺涎沫焚
之清香可愛貨於蘇門市每兩金錢十二枚

東西竺 九州山

東西兩竺景幽幽一植遠堪歷九州採得荃蕪八女

外國个本言

尺飄緜疑與白雲遊

東西竺山幽深如蓬萊方丈九洲產黃熟沉香鄭
和遣官兵採之有長六七丈徑八九尺者

賓童龍

雙溪水色四時清昔是如來舍衛城聞說目連遺址
在孟蘭經並孝經名

大目捷連居處人知喪禮持孝服

崑崙山一靈山

針迷舵失怕崑崙穴處巢居何足論惟有黑紋藤竹

杖靈山頂上叩天門

崑崙節然海中其人穴居樹巢語云上怕七洲下
怕崑崙針迷舵失人船莫存靈山出黑紋相對藤
杖

交欄山

曾經元將造樓船蓬若桅檣出滿山留下羽林生口
在如何不掛片帆還

元將征闍婆遭風造船於此山中叢林藤竹柁桿
桅檣蓬筍畢備有中國人雜處當時病卒百餘留

養不歸而傳生育也

麻逸凍

椎髻長衫秦縠巾伴夫七日竟焚身遐荒殉節能如此愧爾淫奔鄭衛人

俗尚節義夫亡其婦削髮碎面絕食七日與夫尸同寢多與並逝若過七日或甦亦終身不嫁矣或生焚夫尸則赴火而死

重迦邏

孫陀羅接琵琶袍滿地堆鹽種木絲前後三門開石

洞洞中可有太虛天

孫陀羅琵琶袍皆水程名中有石洞前後三門可容一二萬人

吉里地悶

人無姓氏歲無時立者為尊坐者卑萬事總歸繩一結赤文綠字為誰施

俗以立為尊見王則坐地合掌不知年歲亦無姓氏文字以片石記事如干石則總於繩為一結

蘇吉丹

纏頭跣足出乘車如虎如牛五百餘順風莫向女人國大海終防泄尾閘

其王五色布纏頭跣足乘車從者五百餘人各執鎗劍如虎彪牛象狀東至海水勢漸低女人國在焉逾東則尾閘所泄非人世矣

丁機宜

秦風建亥歷新開鐘鼓樓前騎象來市上醉人相視笑扶留藤子勸君杯

以十月爲歲首王居建鐘鼓樓騎象出人家不以御酒客至以扶留藤檳榔代茗惟細民無賴時時闌人醉鄉衆共笑之

合猫里

網巾礁上蕩漁舟亦有山田十斛收要富須尋猫里務貧兒何用執鞭求

舶人語云若要富須尋猫里務

淳泥

坐踞繩牀出阮囊竹編貝葉憑柳漿家家齋沐皈依佛却喜扶人入醉鄉

王坐繩牀出擁大布被象鼻之名阮囊以竹編貝
葉貯食漑椰子為酒崇佛教好齋沐愛敬華人路
有醉者則扶歸寢宿禮待若故舊

南巫里

海邊網取黑珊瑚香降蓮花百蘊殊堪笑帽山脚下
住人人自道我阿孤

海中生樹撈取貨買即黑珊瑚也山產降真香各
蓮花降帽山脚下有居人二三十家問其姓氏則
曰阿孤楂言我便是王或問其次曰阿孤楂我亦

是王也

蘇祿

蔗漿讓酒吹魚鰕皂纒纏頭水即花採得巨珠歸漢
闕何須徑寸問靈蛇

國有珠池入夜望之光浮水面永樂中其王挈妻
子來朝獻巨珠一顆重七兩五錢上大悅賜金印
冠帶歸國水即花布也

彭亨

平原一半石崎嶇刻木為神紛史巫女兒生小不穿

女國志

袴髮常盤五色珠

風俗尚怪刻香木為神殺人血祭女子繫單裙頂
髮飾金圈四五或五色珠圈

波羅

一國東西有二王石城潮打木城當繡巾裹髮腰雙
劍猶向鵬山望故鄉

有東西二王永樂中各入貢石城木城各一築岸
閉潮石城折木城獨存今國王本間人隨鄭和往
因留鎮焉

古里

山城海市擁名王好馬西來勒紫韁瓔珞步搖金跳
脫美人不讓滿宮粧

多蓄好馬白西番來金錢千百為疋婦女粧飾珠
寶容口髮黑嬌美可觀

五等皈依乃納兒葫蘆彈唱間銅絲西風萬里鯨人
至上岸先看永樂碑

國有五等人為南毘回回哲地革令木瓜王以銅
鑄佛像各乃納兒衍衍彈唱以葫蘆殼為樂器紅

銅絲爲絃番歌相和甚有音韻永樂中鄭和齎詔
建碑云去中國十萬餘里民物咸若熙皞同風刻
石於茲永樂萬世

忽魯謨斯

紅土銀硃白石灰鴉姑青綠寶成堆爭把底那游戲
去鐵牌絡索鬪羊來

國有五色土紅如銀硃白如石灰又有青綠鴉姑
以銀鑄錢名底那兒鬪羊角灣向前上帶小鐵牌
行動有聲人養在家賭錢爲戲

玳瑁斑斑草上飛花紋福祿逐青獅君王偏愛駝雞
舞作賦宣傳金幼孜

國有奇獸名草上飛大如貓身玳瑁斑百獸見之
皆伏又產花福祿獅子永樂中貢駝雞如鶴長三
四尺脚之指毛如駝衍亦如之上命侍臣金幼孜
賦焉

阿丹

兩山對峙自雌雄雄玉黃流雌玉紅好獻中朝禮朝
日日光長照海門東

外國年林詩

國有兩山自為雌雄或時自鳴產紅黃二玉嘉靖時製朝日壇王爵通事撤文秀請往阿丹購之

九尾羚羊千里駝青紗布縵載嬌娥金錢瓔珞垂垂動不見紅顏奈爾何

婦女若出則用青紗蔽面布縵兒頭不露形貌兩耳垂金錢數枚項掛瓔珞

竹步 木骨都束

竹步遙連木骨居石城石屋總相宜黃山行盡無青草愛把金錢豹子騎

二國風俗相同壘石為城屋居之地皆黃赤草木不生金錢豹其土產也

佐法兒

刀牌馬隊獨峰騎篳篥吹完瑣訥吹新衣禮拜歸街市一陣香風奄八兒

國王出騎獨峰駝列馬隊刀牌手篳篥瑣訥鼓吹簇擁而行如遇禮拜以奄八兒香薰新衣經過街市香氣半日不散

佛郎機

外國竹枝詞

蜈蚣船槽海中馳入寺邊將紅杖持何事佛前交印
去定婚來乞比耶尼

蜈蚣船底尖面平長十丈濶三尺旁架櫓四十置
銃二十四每舟撐駕三百人雖無風可疾走俗信
佛每六日禮拜手持紅杖而行婚姻詣佛前相配
以僧爲証謂之交印

呂宋

當年失國一牛皮何處天生金豆枝可恨大崙遮殺
後澗頭不剩壓冬兒

佛郎機以黃金求地如牛皮大蓋屋王許之乃剪
牛皮相續爲四圍求地稱是築城居之遂滅呂宋
華人流寓澗內者各歷冬衆至數萬妄男子張疑
詭稱機易山產金豆遣官往勘無有也疑坐誅酋
疑華人攻殺之追至大崙山殲焉

和蘭

和蘭一望紅如火互市香山烏鬼羣十尺銅盤照海
鏡新封砲號大將軍

卽紅毛番船高三十丈銃長二丈餘發之可洞石

城震數十里今中國傳其法號大將軍舵後銅盤

大徑數尺往來海道不迷稱照海鏡役使烏鬼行

巨浪中如平地

美洛居

半分白頸半紅毛山北山南爭界高買得叵羅并鑿

落酒酣起舞亦粗豪

先屬佛郎機和蘭來攻復降之曰若改事我殊勝

白頸以佛郎機頸白也兩國相爭華人解之以山

為界一南一北國中多市中國酒器豪飲長者起

舞少者還視不敢登場也

蘇門答刺

須文達那舊名那何事漁翁稱老王一自天誅蘇幹

刺孩兒不敢跳西洋

古須文達那國王為那孩兒所殺子幼王妻立誓

有能報仇者願妻之共國事一漁翁領兵殺花而

王王妻遂與之合稱為老王其後子長謀殺漁翁

復其國翁子蘇幹刺走據峭山率眾侵犯詔使鄭

和發兵擒滅之王子感激貢方物甚夥

花面

富不驕。淫貧不阿。滿街雞鴨。滿田禾。傍人莫笑。儂花面。只恐君心花更多。

即那孩兒男女大小。皆於面上刺三尖。青花為號。上下自耕自食。牛羊雞鴨羅市。富不驕。貧不盜。

阿魯

耕田而食用。牛犁織布而衣。號考泥山家。多喜饑飛虎肉。翅剛搶三尺低。

地宜稻穀。布名考泥。以中出飛虎如猫。大前後足。

相連有肉翅。能飛不遠。人有瘦者。不服家食死。

淡洋

阿魯山邊海水鹹淡洋。一勺獨涓涓。不知陸羽首過。此品作番家第幾泉。

與阿魯山接周。遠有港內。通大溪。奔流出海。清淡味甘。舟人過往。汲用。

錫蘭山

山上珠簾。海上沙沙。中磐石象。黃鴉中朝。曾設幡幢。供古寺。猶看臥釋迦。

文國竹木言

山中產黃鸚鵡石每遇大雨衝流沙中得之海上
有珠簾沙產珠寺內有釋迦佛涅槃真身側臥鄭
和捧詔以金銀實施有施

翠藍嶼

慣乘獨木捕魚鰕不種禾苗只貨柳怪底無衣初樹
葉溪邊不合盜袈裟

釋迦佛經此山浴於水人竊其袈裟佛誓云後有
穿衣者必爛皮肉由是男女削髮無衣初結樹葉
以遮前後

溜山

八溜山中聚族居還傳三萬八千餘何人駕得凌風
舸弱水飄飄縱所如

四面濱海如洲有石門如城闕依山聚居八村皆
以溜名傳聞有三萬八千餘溜土人曰此弱水三
千也

三島

蓬萊方丈及瀛洲此地何如三島伴中有健兒誇好
事船舶會到大唐遊

小國竹木言

凡男子得附舶至中國雖罄其貲身歸本處鄉人
稱為能事父兄皆贊焉

柯枝

柯枝不見一枝榮止有胡椒萬斛盈却怪天公沒分
曉半年雨落半年晴

每年二三月下陣頭雨至八月半方晴更不雨矣
諺云半年雨落半年晴

大葛蘭

黑墳滿野懶耘苗乞米烏爹食亦饒纔過高郎又巫

里長年三老莫停橈

厥土黑壤亦宜穀麥居民懶於耕作藉烏爹米供
食高郎早巫里洋皆險處不得泊也

小葛蘭

朝饘夕粥和蘇油佛教流行敬象牛牛大千斤比劉
表脚高三尺爛羊頭

日食二餐用蘇油抹飯信佛尊敬象牛牛有數百
斤者羊有青毛脚高三尺

小喞喃

外傳本末言
一
唵喃國裏使吧喃陽少陰多女惑男珠玉珊瑚百貨
有馬頭熱鬧似江南

用小金錢名吧喃月中爲市西洋諸國之馬頭也
或云卽小葛蘭之訛

淡巴 甘巴里

石城瓦屋景清嘉滿地木麻滿樹花苾布縫裳踰織
錦淡巴端不羨甘巴

土廣景秀泉甘草肥石城瓦屋市肆基置車馬威
儀甚都上產苾布甘巴里小國人多織錦

卜刺哇

斥鹵難耕土不同魚鹽饒有海王風如何瓜種青門
少到處相逢三斗葱

地廣斥鹵無耕種之田捕魚爲業有鹽池以樹枝
浸良久撈起成白鹽有葱蒜無瓜茄

古麻刺

麻刺方州一百餘中藏佛宇四千區敦奔何幸名康
靖旗鼓山前築墓廬

王幹刺義亦敦奔永樂中率妻子來王歸次福州

外國本言

卒賜諡康靖葬閩縣有司祭焉

西洋瑣里 小瑣里

西洋十六國誰何瑣里偏攜万物多又有輿圖小瑣里欲將紅撒蘭兜羅

永樂中十六國遣使千二百人入貢瑣里貢物獨

盛小瑣里并國上土地山川瑣里貢兜羅錦袂小

瑣里貢紅撒哈刺諸異布

天竺

寶髻青螺錦扇裁曼殊王子渡江來五方雜奏鏡鈴

樂語烏常聞念善哉

五印度國王服錦扇頂結螺髻餘髮下垂鏡鈸鈴

螺雜奏梵樂有五色能言烏王子曼殊室利嘗至

中國

榜葛刺

宮殿車旗大國風金銀拄杖導呼嵩賓筵祇飲薔薇

露三爵猶非衛武公

城郭莊嚴王宮寶座類中國佛殿詔至今金銀拄

杖各二人呼導宴使獨不飲酒以薔薇露代之

外國本言

二函

東方印度古毘耶比屋堪封節義家果有波羅香庵
勤土人自愛樹桑麻

卽東邱才國夫死妻不再嫁妻死夫不更娶若孤
寡無依一村人輪養之勤於耕織一歲三收

勿斯里

天江水到自澆田寶鏡能空萬里煙更上浮圖二百
丈誰家戰馬敢揚鞭

百年不一雨有天江水可浸田江上有鏡他國盜
兵來輒先照之大塔高二百丈國被兵則據塔拒

敵可容二萬衆

木蘭皮

海西最大木蘭舟載酒千人仔漫游六尺圓瓜三寸
粒黃羊生割百觔油

一舟容萬人中有酒肆物產皆奇大羊高數尺尾
大如扇割腹取脂縫合仍活

歐羅巴

三學相傳有四科歷家今號小茂和音聲萬變都成
字試作耶穌十字歌

國有小學中學大學分四科曰醫曰治曰教曰道
新歷書今用之字以二十五母互配而成凡萬國
語言風雨鳥獸之聲皆可寫出隨音成字耶穌天
主也以十字羅法

天主堂開天籟齊鐘鳴琴響自高低阜城門外玫瑰
發杯酒還澆利泰西

利瑪竇始入中國賜葬阜城門外二里溝曰利泰
西墓天主堂有自鳴鐘鐵琴地球等器國中玫瑰
花最貴取蒸為露可當香藥

哈密

天山下馬拜羌會故李將軍嶺上愁舊是合羅公主
宅至今邊調唱伊州

古伊吾廬地唐伊州匈奴過天山必下馬拜望鄉
嶺有李陵題字合羅川回鶻公主所居城基尚存
金印朱衣罽冠控弦來往黑風川玉門關外朝天
使遮馬頻邀道路錢

永樂中封忠義王賜金印朝服母妻罽冠西域
貢使經哈密輒索道路錢乃聽出入

亦斤蒙古

漢家留下月氏頭西走沙州東肅州猶是白山饒水草老羞願拜酒泉侯

古月氏國漢酒泉郡在肅州西去沙州百八十里時徙居之有白山多草木

罕東 安定 曲先

罕東金塔已來歸安定糖川亦式微惟有木蘭江夏住不將白裕換青衣

罕東內附葺金塔寺城堡居之安定王佳牧沙糖

川曲先牙木蘭安插江夏服色尙白喪易以青

土魯番

瀚海交河土魯番千羣六畜上祁連不知重譯何年至風雅長存三百篇

卽火州文字同中國有魯論毛詩等書

夜火飛煙出碣砂洗頭羅漢石髮髮年年潑水寒胡戲婦女長垂蘇幕遮

王居北庭山中出碣砂常有煙氣涌起至夕光若炬火照見鳥鼠皆赤靈山石青黑遠望紛如毛髮

相傳十萬羅漢洗頭剃髮處三月九日為寒食激
水交潑為戲婦女戴油帽各蘇幕遮

柳城

柳城不見柳。草。旱海風沙鬼火炎。只有蒲桃小鎖
子。西涼凍酒未輸甜。

山色如火大風捲沙人馬相失白日鬼魅迷人謂
之旱海有鎖子蒲桃甘甜無核。

黑婁

何愁五色令人迷。百物皆從厥上黎。黑水驪山猶白

可。那堪墨子配元妻。

其地山木草本禽獸皆黑男女亦然

于闐

阿耨山前三玉河。月光盛處瓊壚多。織成花蕊襦衫
舞半是舞歌半漢歌。

有白玉綠玉烏玉三河國大視月光盛處必得美
玉製花蕊布為衣工歌舞

亦力把力

清商一部出龜茲。國語微同畏兀兒。葱嶺雖傳有熱

海年年飛雪壓氈帷

古龜茲國近葱嶺有熱海然氣候常寒深山大谷
夏月飛雪

撒馬兒罕

鬱金香散佛頭開國寶長傳照世杯嘉峪關前旗鼓
盛中官迎得狡獪來

古罽賓國出鬱金香俱佛頭花照世杯其國舊傳
有杯朗徹照之可知世事成化中進二獅遣中使
迎之

渴石

懸崖峽口鐵門關蒙古東征見角端此地何緣名渴
石大村四面水潺湲

城據大村四面水田峽口有門石色如鐵名鐵門
關元始祖駐師見一角獸作人言耶律楚材曰此
角端也

哈烈

石屋金牀速魯壇葫蘆白鴿射長竿不圖學告生徒
聚文物彬彬大國觀

外國木言
速魯壇華言王也。每周月聚衆植長竿懸葫蘆中
藏白鴿躍馬射之。射中鴿飛爲得采。有學舍聚生
徒講習經義。

麻林 魯迷

麻林曾見貢麒麟。師子西牛未足珍。能執干戈衛社
稷。始知異國有忠臣。

永樂中麻林貢麒麟羣臣表賀上却之。嘉靖中魯
迷貢師子二西牛二命畜內府北狄寇甘州總兵
楊信令魯迷諸國貢使九十餘人禦之寫亦阿力
等九人死焉。土聞給棺送歸。禡信職。

天方

金閣香梁葢絳絲。薔薇露水粉牆施。墓門更砌黃甘
玉。爭拜先生司馬儀。

古大食國以黃金爲閣。沉香木爲梁。皂絳絲爲葢。
牆壁皆薔薇露。龍涎香和土塗之。有司馬儀聖人
之墓。以黃甘玉砌成。

無霜多露。四時春夜。市歸來。拜月新人在天堂。極樂
界金錢撒漫不知貧。

無霜雪夜露甚重氣候常熱日落後乃爲夜市月
初生其王及民皆拜天叫佛回天堂圖稱極樂界
以金鑄錢人無貧者

拂拭

珊瑚爲稅水晶梁十二金人立關旁珍重鑄錢模異
綠要將彌勒配君王

古大秦國有金人立門屬十二丸率一時落二丸
鑄金銀錢面鑿彌勒佛皆爲王名

默德那

回回風土似江淮回去回來到處佳蜜作酒漿牛作
菜自生自殺自然齋

回回祖國城池宮室田畝市列與江淮畧同其人
散處各國俗重殺非同類殺者不食

香山濠鏡辨是甚妙女兒不進秘方最是回儕多意
氣鄭莊千里不齋糧

回回識寶附舶香山濠鏡澳貿易正德中進女你
兒干干永獻房中秘方

吃力麻兒。速麻里兒

力麻多毒速麻無兩地何緣鍾氣殊忽降西方白松
虎也應齋食勝於菟

吃力麻林莽多毒蟲猛獸速里麻無大山林木亦
無蟲獸之害常有白虎出松林中不傷人畜旬月
後不見父老曰此西方白虎降精因更國號白松
虎兒

烏思藏

拂廬大小上碓房璫璽縫衣瑟瑟裝日誦番經作佛
事射生偏喜淡牛羊

王處大拂廬部人處小拂廬壘石巢居高十餘丈
謂之碓房

大慶新封灌頂師金吾夾道半懸儀帳中吃吃君王
笑祕戲私傳擯撲兒

武宗好佛自各大慶法王封番僧為灌頂國師成
化中劄實巴以祕密法進天子寵之用執金吾仗
擯撲兒法元順帝故事

元良哈

琵琶州上肉屏齊屈裂河邊牙帳低一自黃龍旗出

塞打牲不敢向遼西

成祖親征虜鐵騎敗之會衆望見黃龍旗大驚羅拜請降其盜邊以打牲爲名

蒙古

燕支山色女如雲。窩帳琵琶徹夜聞。小妹漢宮今在否。美人已屬石將軍。

英宗北狩御窩兒帳也先妻妾彈琵琶奉酒嘗許以妹進上及送入關石彪奪而納之

翠羽貂蟠錦繡襦。火旗一隊醉駝酥。邊頭爭看三娘子。不羨昭君上馬圖。

美 三娘子俺答婦封順義夫人中國傳其畫像貌甚美

附土謠十首

苗人

身披木葉插雞頭。銅鼓家家賽鬪牛。吹起蘆笙來跳月馬郎爭上竹梯樓。

歲時召親戚擗銅鼓鬪牛於野割其負者祭而食之女子十歲卽構竹樓處野外以誘馬郎仲春吹

文回竹木言
蘆笙和歌淫詞謔浪謂之跳月意投者男負女去
馬郎鬼子未娶者銀環飾耳婚則脫之

羅羅

斷頭掉尾水西羅蘆管千人捲白波新婦奉堂槃礴
羸橫陳玉體竟如何

俗悍喜鬪諺云水西羅鬼斷頭掉尾以蘆管吸酒
就盜飲之新婦見舅姑不拜裸面進盥謂之奉堂

狝狝 狝狝

花桶裙攜紅桶裙家親殿上掃新墳更憐泥戶鞦韆

戲曰逐春風蛺蝶羣

以布圍腰謂之桶裙花布者為花狝狝紅布者為
紅狝狝人死置棺崖間或河側以木主羅樹號家
親殿狝狝以泥封戶元宵端午架鞦韆羣戲遂以
淫奔

棘人

殿履持鏢彈二絃金環綴耳繞銀錢殷勤寄語鄉公
道拋取茅毬好結緣

男子殿木履持鏢彈二絃琵琶婦人金環綴耳不

一而足前後垂刺繡一方以銀錫編錢繞身夏月羣浴於河冬月以茅花爲毬相拋偶意者奔之爭訟不入官府決於鄉公

獠人

化面了頭鐵脚兒白衫赤袴踏春時艷歌一曲人何住到處青山楊柳枝

男子燒鐵烙足沁以油蠟重繭如鞞女子點花於面蹋歌偶奔者入巖崗插柳辟人

獠人

入寮鼓樂莫相嫌千里迎郎提竹籃有客入門女字坐主人不用嫁金蠶。

婚姻壻家就親女家於五里外結草屋鼓樂迎導謂之入寮盛兵爲備小有言卽相殺人遠歸者家遣巫提竹籃賫裏衣迓還若爲之收魂也善爲金蠶壘中人多死有覺之者爲女子坐則蠶不靈有善事之者亦能致富移送別家曰嫁金蠶

黎人

五母山中女及笄白花繡面勝胭脂那堪裙底無窮

文圖什才言
袴作劇時時誘散仔

婦女有裙無袴女伴互施針筆涅面爲花鳥春時
笄女戲鞦韆以誘散仔攜手踢歌名曰作劇散仔
美男子也

仲家

日出高樓仲氏居長裙細績衣青絲羅敷夫在君休
問珍重相逢未嫁時

人好樓居衣裳尙青長裙細績多者二十餘幅在
室奔而不禁嫁則絕之

龍家


螺髻斑衣馬鎧冠藥珠薏苡並珊珊不勞檢點氤氳
簿但到春來戲鬼竿

婦人緇布爲冠名馬鎧斑衣以五綵藥珠爲飾貧
者代以薏苡春時立木於野謂之鬼竿男女旋躍
擇偶旣奔則女家以牛馬贖之方通媒灼

八百媳婦

漢宮嘗說三千女曾長何居八百妻應得房中彭祖
術卜年恰與定婚齊

世傳土酋有妻八百各領一寨故各元征之道路
不道而返明之六百大甸司



70042033

1000

2226

